

## Հաշվետվություն

### ՓՄՁ պետական աջակցության 2017 թվականի ծրագրի իրականացման ընթացքի վերաբերյալ

Ճշտված պլանը կազմել է 152.6 մլն դրամ, ֆինանսավորումը՝ 152.6 մլն դրամ, դրամարկղային ծախս՝ 152.6 մլն դրամ, 2016 թվականին դրամարկղային ծախսը կազմել է 143.1 մլն դրամ: 2017 թվականին 2016 թվականի համեմատ դրամարկղային ծախսն աճել է 9.5 մլն դրամով, որը պայմանավորված է այն հանգամանքով, որ 2017 թվականին ծրագիրը սկսել է գործել հենց տարեսկզբից, մինչդեռ 2016 թվականին ՀՀ կառավարության կողմից թվականի ծրագիրը հաստատվել է ապրիլի 21-ի N 403-Ն որոշմամբ, որն ուժի մեջ է մտել 2016 թվականի մայիսի 5-ին, իսկ ծրագիրն իրականացնելու նպատակով ՀՀ տնտեսական զարգացման և ներդրումների նախարարության և Հայաստանի ՓՄՁ ԶԱԿ հիմնադրամի միջև համապատասխան պայմանագիրը կնքվել է 2016 թվականի հունիսի 30-ին, ուստի՝ ժամանակի սղության պատճառով 2016 թվականի ծրագրով նախատեսված միջոցառումների մի մասն իրականացվել է մասնակի:

**«Պետական աջակցություն Հայաստանի ՓՄՁ ԶԱԿ հիմնադրամի կանոնադրական հիմնախնդիրների իրականացմանը»** 2017 թվականի ծրագրի շրջանակներում ապահովվել է ծրագիրն իրականացնող հիմնական կառույցի՝ Հայաստանի ՓՄՁ ԶԱԿ-ի անձնակազմի և փորձագետների վարձատրությունը՝ լրացուցիչ ֆինանսական միջոցների ներգրավմամբ:

2017 թվականի ընթացքում ՓՄՁ պետական աջակցության տարեկան ծրագրի շրջանակներում Հայաստանի ՓՄՁ ԶԱԿ-ի կողմից տրամադրվել է 11487 աջակցություն շուրջ 4700 սկսնակ և գործող ՓՄՁ սուբյեկտների (որոնց 3,3 %-ը գործում են Երևան քաղաքում, իսկ 96,7 %-ը՝ ՀՀ մարզերում) հետևյալ ուղղություններով.

**Սկսնակ գործարարներին ձեռներեցությանն աջակցության** մասով աջակցություն է տրամադրվել 464 սկսնակ գործարարի, *ուսուցողական աջակցության* մասով աջակցություն է տրամադրվել 246 ՓՄՁ սուբյեկտների:

**«ՓՄՁ սուբյեկտներին գործարար տեղեկատվական և խորհրդատվական աջակցություն»** ծրագրային միջոցառման ուղղությամբ հաշվետու ժամանակահատվածում իրավասորեն սղրական ակտերի և դրանցում տեղի ունեցած փոփոխություններին ՓՄՁ սուբյեկտներին իրազեկման, հաշվապահական հաշվառման, մաքսային ձևակերպումների ու հաշվետվությունների ներկայացման և այլ ուղղություններով շուրջ 4600 սկսնակ և գործող ՓՄՁ սուբյեկտներին անհատական, խմբային հանդիպումների և հեռահաղորդակցության միջոցներով տեղեկատվական և խորհրդատվական աջակցություն է տրամադրվել 10337 անգամ:

**ՓՄՁ սուբյեկտներին ֆինանսական աջակցություն (Վարկերի դիմաց Հայաստանի ՓՄՁ ԶԱԿ հիմնադրամի կողմից երաշխավորությունների տրամադրում)** ծրագրի շրջանակներում գործող 13 ՓՄՁ սուբյեկտի տրամադրվել է 192,7 մլն ՀՀ դրամ գումարի երաշխավորություն՝ ապահովելով 411,6 մլն ՀՀ դրամի վարկային փաթեթ:

**«Սկսնակ գործարարներին ֆինանսական աջակցություն (վարկային երաշխավորությունների տրամադրում)»** 2017 թվականի ընթացքում «Սկսնակ գործարարների ձեռներեցությանն աջակցություն» ծրագրի շրջանակներում ֆինանսական աջակցություն են ստացել 66 սկսնակ գործարարներ: Ստացված վարկերի ընդհանուր գումարը կազմել է 280,5 մլն ՀՀ դրամ, Հայաստանի ՓՄՁ ԶԱԿ-ի երաշխավորությունը՝ 288.5 մլն ՀՀ դրամ: Ծրագրի շրջանակներում սկսնակ գործարարներին տրամադրված երաշխավորության միջին գումարը կազմել է 4.4 մլն ՀՀ դրամ, ստացված վարկային միջոցների միջին գումարը՝ 4.2 մլն ՀՀ դրամ:

**Գործարար նախաձեռնություններին ֆինանսական աջակցություն (վարկային երաշխավորությունների տրամադրում)** ծրագրի շրջանակներում 2 ՓՄՁ սուբյեկտի տրամադրվել է 19.8 մլն ՀՀ դրամ գումարի երաշխավորություն՝ ապահովելով 17.8 մլն ՀՀ դրամի վարկային փաթեթ: Ծրագրի շրջանակներում աջակցություն ստացած ՓՄՁ

սուբյեկտներին տրամադրված վարկի միջին գումարը կազմել է 8,9 մլն ՀՀ դրամ, վարկային երաշխավորության միջին գումարը՝ 9.9 մլն ՀՀ դրամ, տրամադրված վարկերի միջին տոկոսադրույքը՝ 11.5%:

**«Տեղական տնտեսական զարգացում և ոլորտային բիզնեսներին աջակցություն»** ծրագրային միջոցառման առնչությամբ հաշվետու ժամանակահատվածում իրականացվել է 12 ենթակառուցվածքային ծրագիր, 98 սկսնակ և գործող ՓՄՁ սուբյեկտների համար կազմակերպվել են նաև տեխնոլոգիական դասընթացներ, դրամաշնորհ են ստացել 11 ձեռնարկատերեր: Մշակվել և տպագրվել են 1 գործարար ուղեցույց, ինչպես նաև 2 օրինակելի գործարար մոդել:

**«Կանանց ձեռներեցությանն աջակցություն»** ծրագրային միջոցառման ուղղությամբ հաշվետու ժամանակահատվածում կայացել է «Լավագույն կին գործարար» ՀՀ վարչապետի 2017 թվականի մրցանակաբաշխության հանդիսավոր արարողությունը: ՀՀ վարչապետը պատվոգրեր է հանձնել «Լավագույն կին գործարար» մրցանակաբաշխության 6 անվանակարգերով հաղթած 12 կին-գործարարների: Այս տարի խրախուսական մրցանակ է շնորհել նաև Հայաստանի ՓՄՁ ԶԱԿ-ը՝ մրցանակներ և նվերներ շնորհելով Արցախի 2 լավագույն կին գործարարներին: Խրախուսական պատվոգրեր, նվերներ և մրցանակներ են հանձնվել 33 կին գործարարների նաև միջազգային մի շարք կազմակերպությունների կողմից:

Մրցանակաբաշխության շրջանակներում Ասիական զարգացման բանկի հետ համատեղ կազմակերպվել է երկօրյա ցուցահանդես-տոնավաճառ, որին մասնակցել են ավելի քան 80 կին գործարարներ: Մրցանակաբաշխության ավարտին կայացել է կին գործարարների խնդիրներին և դրանց լուծման ուղիներին նվիրված կլոր սեղան-քննարկում, որին մասնակցել են Հայաստանի ՓՄՁ ԶԱԿ-ի և միջազգային մի շարք կազմակերպությունների ներկայացուցիչներ և կին գործարարներ՝ թվով 17 մասնակից:

**«Տեղական արտադրանքի արտահանմանն աջակցություն և ՓՄՁ-ի սուբյեկտների միջազգային համագործակցության ընդլայնման ապահովում»** ծրագրային միջոցառման ուղղությամբ հաշվետու ժամանակահատվածում «Հայաստանում ձեռնարկությունների եվրոպական ցանցի հաղորդակցման կենտրոնի գործունեության ապահովում» ծրագրային

միջոցառման ուղղությամբ Հայաստանում ձեռնարկությունների եվրոպական ցանցի (ՁԵՑ) գործունեության շրջանակներում բիզնեսի միջազգայնացմանն ուղղված 540 տարաբնույթ ծառայություններ են մատուցվել 348 ՓՄՁ սուբյեկտների, այդ թվում՝ 26 ՓՄՁ սուբյեկտների գործարար նկարագրեր տեղադրվել են ՁԵՑ-ում, 9 ՓՄՁ սուբյեկտներ կնքել են համագործակցության համաձայնագիր, 1 ՓՄՁ սուբյեկտ կնքել է համագործակցություն՝ խորհրդատվական ծառայությունների մատուցման արդյունքում, 172-ը՝ կազմակերպված բիզնեսի միջազգայնացմանը վերաբերող հանդիպումների մասնակիցներն են, 140 ՓՄՁ սուբյեկտների տրամադրվել են տարբեր տեսակի աջակցություններ, այդ թվում՝ տեղադրվել են հարցումներ ՁԵՑ-ում, ուղարկվել են հետաքրքրության առաջարկներ և ստացված կոնտակտները ներկայացվել են տեղական ընկերություններին, ստացվել են հետաքրքրության առաջարկներ և ներկայացվել են նշված ընկերությունների տվյալները, մասնակցել են ՁԵՑ շրջանակներում կազմակերպված գործարար հանդիպումներին, ստացել են նորարարության կառավարմանն ուղղված խորհրդատվություն, ինչպես նաև ստացել են անհատական խորհրդատվություն:

**«Միջազգային և օտարերկրյա դոնոր կազմակերպությունների հետ ՓՄՁ ոլորտի զարգացման համատեղ (համաֆինանսավորման սկզբունքով) ծրագրերի մշակում և իրականացում»** ծրագրով նախատեսված ծրագրային ուղղությունների ընդլայնման և լրացուցիչ ֆինանսական ռեսուրսների ներգրավման նպատակով հաշվետու ժամանակահատվածում Հայաստանի ՓՄՁ ԶԱԿ-ը շարունակել է համատեղ ծրագրեր մշակել և իրականացնել մի շարք միջազգային և օտարերկրյա կազմակերպությունների հետ: Մասնավորապես՝ ԱՄՆ ՄԶԳ ֆինանսավորմամբ իրականացվող «Գործընկերություն՝ հանուն գյուղական համայնքների բարգավաճման» ծրագիր, ԵՄ համաֆինանսավորմամբ իրականացվող «Տարածաշրջանային ՓՄՁ-ների մրցունակության խթանումը» ծրագիր, «Ձեռնարկատիրական աշխատանք Հայաստանի երիտասարդության համար» ՄԱԿ-ի արդյունաբերական զարգացման կազմակերպության (UNIDO)/Հայաստանի ՓՄՁ ԶԱԿ-ի համատեղ ծրագիր, «Տեղական արտադրանքի զարգացում և տեղական ապրանքանիշերի առաջնորդ Հայաստանում – փուլ - 2» Հայաստանի ՓՄՁ ԶԱԿ/ՃՄՀԳ (Ճապոնիայի միջազգային համագործակցության գործակալություն) համատեղ ծրագիր, «ERASMUS

երիտասարդ ձեռնարկատերերի համար» ծրագիր, Նիդերլանդների ավագ փորձագետների (PUM) կազմակերպության հետ համատեղ ծրագիր:

**Գյուղատնտեսական տեխնիկայի և հարակից սարքավորումների ձեռքբերմանն աջակցության ծրագրի մասով** հաշվետու ժամանակահատվածում 2013-2015 թվականների ընթացքում ներկրված գյուղատնտեսական տեխնիկայի մնացորդից վաճառվել է 1 հացահատիկահավաք կոմբայն, 1 հատ ճշգրիտ ցանքի սերմնացան, 2 հատ կուլտիվատոր, 1 հատ կարտոֆիլի շարքացան:

**«ՓՄՁ սուբյեկտների կողմից նոր սերնդի հսկիչ-դրամարկղային մեքենաների ձեռքբերման արժեքի փոխհատուցում» ծրագրի** շրջանակներում սուբսիդավորվել է ՓՄՁ սուբյեկտների կողմից ներկայացված 126 հայտ: Սուբսիդավորման ընդհանուր գումարը կազմել է 3,920,000 դրամ: